

SAMOA

Faatulagaina o Aiaiga

1. Igoa puupuu ma le amataga
2. Faamatalaina o uiga o upu
3. Pule faataga e nonō ai mai le Faletupe
4. Faatinoga o noataga i lalo o maliega
5. Faiga e teuteuina ai se finauga i le faaiuga a ni sui lautogia

2008, Nu. 32

O SE TULAFONO e aiaia ai mo le faatulai mai o faaunegatupe ma aitalafu mai le Faletupe a Saina mo Oloa Auina atu i Fafu ma Oloa Faaulufale mai ma mo mataupu e fesootai i ai. *[20 Novema 2008]*

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua leni Tulafono o le Tulafono mo Faaunegatupe mai le Faletupe a Saina mo Oloa Auina atu i Fafu ma Oloa Faaulufale mai 2008.

(2) O leni Tulafono e amata faamamaluina i le aso e tuuina i ai le maliega a Le Ao o le Malo.

2. Faamatalaina o uiga o upu – I totonu o lenei Tulafono, ae vagana ai ua manaomia e le mataupu se isi uiga e ese ai:

“Faletupe” o lona uiga o le Faletupe a Saina mo Oloa Auina atu i Fafo ma Oloa Faaulufale mai po o so o se isi lava igoa o le a mafai ona iloa ai i se taimi mulimuli ane;

“Malo” o lona uiga o le Malo o Samoa;

“Minisita” o lona uiga o le Minisita o Tupe.

3. Pule faataga e nonō ai mai le Faletupe-(1) Mo faamoemoega o le fuaiupu 75 o le Tulafono o le Pulega o Tupe a le Malo 2001, e mafai e Samoa i sea faiga ma i luga o ia tuutuuga ma i le noatia ma le fai fuafua i ia aiaiga e pei ona mafai ona malilie i ai Malo ma le Faletupe ina ia nonō mai i le Faletupe mai lea taimi i lea taimi.

(2) E ese mai i le fuaiupu 79(1) o le Tulafono o le Pulega o Tupe a le Malo 2001, o le aofaiga o tupe e mafai ona nonōina i lalo o le faafuaiupu (1) o se aofaiga lea e mafai ona manaomia e Samoa mai lea taimi i lea taimi

4. Faatinoga o noataga i lalo o maliega-(1) E ese mai i so o se mea o aofia i totonu o so o se isi lava tulafono, so o se maliega ua faia i le va o Samoa ma le Faletupe e tusa ai o aofaiga o tupe sa nonōina e Samoa mai le Faletupe ma so o se feagaiga, pepa faamaonia e totonu ai aitalafu, po o isi pepa faamaonia ua tuuina atu e tusa ai o so o sea maliega, e tataua ona aloaia ma faamalosiaga ma ia i ai le malosiaga ma le tulaga aloaia atoatoa i totonu o Samoa e tusa ai ma ona tuutuuga.

(2) E aunoa ma le faaituau i le tulaga lautele o aiaiga o le faafuaiupu (1):

(a) e lē tataua ona totogiina atu se tiute o faailoga po o lafoga po o tiute i luga o sea maliega po o i luga o so o se feagaiga, pepa faamaonia e totonu ai aitalafu po o isi pepa faamaonia ua tuuina atu e tusa ai ma so o sea maliega;

(b) e tataua ona toe totogiina le tupe faavae o le faaunegatupe po o aitalafu tau atinae ua maua ma feagaiga ua tuuina atu iinei faapea le tului ma isi tupe ma tau faaee atu i ai e tataua ona totogiina e

aunoa ma le toesea mo, ma tuusaunoa mai
noataga mo lafoga o tupe maua po o so o se isi

lava lafoga, ma tuusaunoa mai i so o se ituaiga
tupe po o tapulaa o faafoe ai fesuiaiga o tupe.

(3) O lenei fuaiupu e tatau ona faamamaluina mai i le taimi
ua tuanai.

**5. Faiga e teuteuina ai se finauga i le faaiuga a ni sui
lautogia** – Afai e tulai mai so o se feeseeseaiga i le va o le
Faletupe ma Samoa i lalo o so o se maliega ua faia i le faatinoga
o malosiaga ua faaeina atu e lenei Tulafono, po o i lalo o so o
se feagaiga, pepa faamaonia e totogi ai aitalafu, po o se pepa
faamaonia ua tuuina atu e tusa ai o so o sea maliega, e tatau ona
faia se faaiuga e ala i le faiga e teuteuina ai se finauga i le
faaiuga a ni sui lautogia e pei ona aiaia i totonu o Aiaiga Lautele
e faaogā i le Maliega mo Faaunegatupe po o Maliega o
Aitalafu Tau Atinae lea o lo o avea ma mataupu autu o le
feeseeseaiga, e ese mai i aiaiga o so o se isi lava tulafono e ese
ai.

**O le Tulafono mo Faaunegatupe a le Faletupe a Saina
mo Oloa Auina atu i Fafu ma Oloa Faaulufale mai 2008
o lo o faafoeina e le Matagaluega o Tupe**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**